



Inatsisartunut ilaasortaq Justus Hansen, Demokraatit

Tunumi angallattakkanik oqarasuaateqarneq pillugu § 37 naapertorlugu apeqquteqaammut 2017-102-imut akissuteqaat

Brevdato: 13-03-2017
Sags nr.: 2017 - 4470
Dok. nr. 17785565

Asasara Justus Hansen,

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Tunumi angallattakkanik oqarasuaateqarneq pillugu apeqquternut Inatsisartut Suleriaasianni § 37 naapertorlugu nassiussannut, qujanaq. TELE-POST-imit ilassutissanik piniartoqarpoq. Apeqqutit matuma kinguliani ataasiakkaarlugit akineqassapput.

- 1. Naalakkersuisut sunik pilersaaruteqarpat Tunumi angallattakkanik oqarasuaateqarneq aamma angallattakkanik oqarasuaateqarnermi pissutsit pitsanngorsarniarlugit aamma mobildata eqqarsaatigalugu?**
Akissut: TELE-POST paasissutissiivoq Tasiilami attaveqaatit atornerqariartuinnererat tunngavigalugu suliniutit assigiinngitsut aallartinneqartut. Piffimmi siullermi Tasiilami oqarasuaatinut angallattakkanut kiisalu satellit-ikkut attaveqaatit nalerisarneqarput, taamaaliornikkut attaveqaatit piginnaasaat annertusarneqarluni. Tamatuma saniatigut Tasiilami atortut TELE-POST-ip aasamut misissussavai. Kiisalu atuinerit annertusiartornerisa maannakkorpiaq takuneqarsinnaasut tunngavigalugit, Tasiilami aasaq manna immikkut basestation-imik pilersitsinissaq pilersaarutaavoq.
- 2. Naalakkersuisut isumaqarpat Tunumi innuttaasut kitaani innuttaasunut naleqqiullugit assigiimmik pineqartut, angallattakkanik oqarasuaateqarneq /mobildataqarneq eqqarsaatigalugit?**
Akissut: TELE-POST paasissutissiivoq, Tasiilaq satellitsikkut attaveqartinneqartoq, tamannalu unammilligassaqartitsivoq, soorlu internet-i arriinnerulluni kiisalu oqarasuaatikkuq oqaluussinerit kingusinaartumik apuuttarlutik. Tamatumunnga pissutaavoq satellit-it attaveqaatinut allanut Kalaallit Nunaanni atornerqartunut (soorlu imaatigut kabeli aamma raatiukkuq attaveqaatit) pisinnaasaat assigiinngimmata, imaluunniit pitsaassutsimik taamaattumik pilersuisinnaanatik. Taamaattoq TELE-POST taamatuttaaq paasissutissiivoq, TELE-POST-ip sullitat misigisartagaat pitsanngorsarniarlugit suliniutinik ingerlaavartumik misissuisartoq piviusunngortitsisarlungiluni.
- 3. Tunumi angallattakkanik oqarasuaateqarneq/ mobildataqarneq pillugit allanik attuumassutilinnik Naalakkersuisut paasissutissiissutissaqarpat?**
Akissut: TELE-POST paasissutissiivoq, satellit-ikkut attaveqaatit pitsanngorsarnissaannut siunissami ungasissumi periarfissat misissorneqartut, kiisalu TELE-POST Issittumi satellit-ikkut attaveqarnerup

pitsanngorsarneqarnissaanut periarfissanut tunngatillugu issittumi suleqatigiinnermi
eqeersimaartumik peqataasoq.

Inussiarnersumik inuulluaqqusillunga



Múte B. Egede